

58624

140, 61


139

部 10

瀛  
縣  
鸚  
士  
志

尺例比

三十一之分萬十六百三



丁未秋季濰縣官立高等小學堂學生測繪

縣治在赤道北緯三十六度四十七分三十秒


縣治北界在赤道北緯三十七度一十九分

縣治南界在赤道北緯三十六度三十一分

縣治偏東二度五十三分二十秒

縣治東界偏東三度二十一分一十秒

縣治西界偏東二度四十分二十一秒



丁未冬月雄縣官立高等小學堂學生測繪

濰縣日出入時刻及晝夜永短表

北極出地三十六度四十七分三十秒  
偏京都中線東二度五十三分二十秒

夏至	芒種	小滿	立夏	穀雨	清明	春分	驚蟄	雨水	立春	大寒	小寒	冬至
日出寅正二刻十四分十七秒 日入戌初一刻零四十三秒	日出寅正三刻二分二十六秒 日入戌初初刻十二分三十四秒	日出寅正三刻十一分十五秒 日入戌初初刻三分四十五秒	日出卯初初刻九分二十秒 日入酉正三刻五分四十秒	日出卯初初刻一分一十分零四秒 日入酉正二刻四分五十六秒	日出卯初二刻十二分十三秒 日入酉正一刻二分四十七秒	日出卯正 日入酉正	日出卯正一刻二分四十七秒 日入酉初二刻十二分十三秒	日出卯正二刻四分五十六秒 日入酉初一刻一十分零四秒	日出卯正三刻五分四十秒 日入酉初初刻九分二十秒	日出辰初初刻三分四十五秒 日入申正三刻一分十五秒	日出辰初初刻十二分三十四秒 日入申正三刻二分二十六秒	日出辰初一刻零四十三秒 日入申正二刻十四分十七秒
晝五十八刻零一分二十六秒 夜三十七刻十三分三十四秒	晝五十七刻一十分零八秒 夜三十八刻四分五十二秒	晝五十六刻七分三十秒 夜三十九刻七分三十秒	晝五十四刻一分二十秒 夜四十一刻三分四十秒	晝五十二刻九分五十二秒 夜四十三刻五分零八秒	晝五十刻零五分三十四秒 夜四十五刻九分二十六秒	晝四十八刻 夜四十八刻	晝四十五刻九分二十六秒 夜五十刻零五分三十四秒	晝四十三刻五分零八秒 夜五十二刻九分五十二秒	晝四十一刻三分四十秒 夜五十四刻一分二十秒	晝三十九刻七分三十秒 夜五十六刻七分三十秒	晝三十八刻四分五十二秒 夜五十七刻十分零八秒	晝三十七刻十三分三十四秒 夜五十八刻一分二十六秒
夏至	小暑	大暑	立秋	處暑	白露	秋分	寒露	霜降	立冬	小雪	大雪	冬至

修志姓氏

總纂

花翎知府銜知濰縣事宋朝楨

分纂

青城縣訓導舉人陳傳弼

候選教諭恩貢生張兆棠

候選訓導廩貢生劉汝僑

候選州判歲貢生彭毓桂

揀選知縣舉人王淇

分省補用知縣監生郭恩敷

廩生郎會結

附生陳燕昌

濰縣鄉土志

校勘

揀選知縣舉人杜壇

浙江嶧縣知縣庶吉士丁良翰

採訪

廩生徐乾滋

廩生張洛書

文童郭引年

文童陳潤芳

歷史

建置本境年代

維縣之境漢曰平壽曰桑犢曰斟皆分隸此土而不以維名自隋唐訖宋始置維州領三縣規制宏遠維之名所由昉也明洪武十六年改為縣屬萊州府如今制未置本境年代

唐虞之際

青州之域 禹貢海岱惟青州又曰維淄其道維北濱渤海西距青州百二十里通志云以今輿地言之則山東之登萊青濟諸郡皆古青州域也

夏

寒 左傳寒浞伯明氏之讒子弟也杜注夏諸侯伯明之國應劭注漢

維縣鄉土志

書曰寒浞封此水經注作韓案今治所東北三十里寒亭是也

斟尋 左傳寒浞命子澆帥師滅斟尋氏杜注北海平壽東南有斟亭應劭注漢書曰斟尋禹後今北海平壽斟亭是水經注京相璠曰故斟尋西北去灌亭九十里案斟灌有灌亭今名灌店在壽光東南四十里與維接界處以里數計之斟尋當在治所東南五十里永豐縣丁曹社其地也

三壽 竹書紀年夏后杼征於東海伐三壽山海經作王壽路史王壽當是平壽之下邑 今失其址

商

營州之墟 爾雅釋地齊曰營州郭璞注自岱東至海此蓋殷制案商制凡有以青州為營維則營州之域也

周

青州之域 周禮職方氏正東曰青州武王克商封建列國濰在濇于紀郛之間亦青州地也

春秋

杞

春秋淮夷病杞諸侯城緣陵而遷杞案通志武王封禹後東樓公于杞汴梁杞縣九世成公遷緣陵至文公又遷濇于齊來云緣陵即漢營陵在今治所南三十里又東南安邱北海界上有起城起即杞都蓋文公所遷之濇于城也後入齊

濇于 左傳濇于州公如曹社注濇于州國所都城陽濇于縣也水經

注濇于古斟灌地案斟灌在壽光縣巨洋水篇言之甚詳此當是斟尋之訛後為杞所併晉屬城陽郡其故城在今治所東南六十里濰汶交流處後入齊

戰國

濰縣鄉土志

二

齊國 史記齊自泰山屬之琅琊北被於海蘇秦曰齊南有泰山東有瑯琊西有清河北有渤海四塞之國地方二千里然則濰固齊之北邊東境也

秦

齊郡

前漢

北海郡 屬青州漢書地理志景帝中二年析齊郡置治營陵縣薛瓚曰營陵即春秋之緣陵水經注白狼水承營陵之下流東北逕平壽城東營陵城在平壽城南案今治所南三十里與濰接界處基址尚存今屬昌樂縣

平壽縣 屬青州北海郡漢書地理志應劭注古斟尋國魏書地形志平壽有浮山案今治所西南三十里平壽社其地也故城在程符山

下程符山一名浮山

桑犢縣 屬青州北海郡漢書地理志桑犢有覆甌山溉水所出其地

在治所東南三十里寰宇記云濰州東南有漢桑犢城是也

斟縣 屬青州北海郡漢書地理志故斟尋國禹後杜預曰有斟亭案  
今治所東南五十里丁曹社地東近濰水夏寒泥之子澆帥舟師溯  
濰水伐斟尋滅之蓋斟縣即故斟尋國也

後漢

北海國 屬青州後漢郡國志北海靖王興光武兄演之子建武二年  
封為魯王後徙為北海王食劇平壽等十八縣案後漢地志首列之  
縣皆郡國治所劇第一即國治也

平壽縣 屬青州北海國

斟縣 前漢舊縣和帝時省入平壽為斟鄉據後漢書和帝封北海王

濰縣鄉土志

三

睦庶子為斟鄉侯其明證已

桑犢縣 前漢舊縣光武時省入營陵屬北海國

三國

北海郡 屬青州後漢為北海國建安十一年國除改為郡三國無地  
志案魏志臧霸傳太祖以孫康為北海郡太守仍治劇縣平壽縣屬  
焉

平壽縣 仍屬青州北海郡

晉

齊郡 屬青州治益都縣晉書地理志以為濟南郡領平壽下密膠東  
即墨祝阿五縣而以平壽為郡治輿地記云晉濟南郡治平壽案魏  
書地形志北海郡之下密平壽膠東併云晉屬齊郡蓋晉志齊國濟  
南郡文相次比故傳寫之失誤以齊國平壽等四縣入濟南郡下而

脫去濟南之東平陵歷城等縣刺一祝阿後人據此遂謂濟南郡治平壽不知晉濟南郡先治東平陵後治歷城元和志有明文平壽無論非治也並不屬濟南郡當從魏志屬齊郡

平壽縣 屬青州齊郡晉初仍屬北海郡太安後改隸齊郡

元魏

北海郡 屬青州魏書地形志北海郡移治平壽城領下密劇都昌平壽膠東五縣及營陵縣地案營陵魏屬平昌郡其地毗連平壽故割屬焉

平壽縣 仍屬青州北海郡

下密縣 屬青州北海郡水經注濰水東北逕下密故城西案下密承密水之下流故名其故城在都昌東二十里東有密阜後移於濰治膠東縣 屬青州北海郡水經注濰水東北逕逢萌墓又北逕都昌故

城東魏書地形志膠東有逢萌墓自即墨移治膠東城故膠東亦移治漢都昌地也後魏曰膠東隋曰東下密故城今隸濰縣在治所東四十五里下密社即其地也

北齊

高陽郡 屬青州齊書州郡志天保七年改北海郡為高陽郡治下密縣案下密即今治所也

下密縣 屬青州高陽郡案下密本漢舊縣屬北海郡故城在都昌東二十里今移治所西二里有平壽入之膠東縣 元魏舊縣天保七年省入下密

隋

北海郡 屬青州隋書地理志開皇初高陽郡廢十六年於下密置濰州大業三年州廢復置北海郡領十縣案唐志漢平壽縣隋置北海

郡是也

北海縣 屬青州北海郡通志北海下云齊置北海元和志隋開皇三年置下密於廢郡城中據此似齊置北海縣隋初改置下密矣案隋書地理志北海下云舊曰下密大業三年州廢改下密為北海縣是齊改郡時縣名下密不名北海也

下密縣 屬青州北海郡隋書地理志下密下云後魏曰膠東後齊廢開皇六年復旋改名濰水案此隋下密即後魏膠東之明文大業三年既改下密為北海故改濰水為下密俗曰東下密城以別於西也故城在今治所東四十五里下密社地齊乘云故城在昌邑東南俗曰密鄉距濰州不止四十五里是誤以漢密鄉為隋東下密矣

唐

北海縣 屬河南道青州北海郡唐書地理志武德二年於縣復置濰

濰縣鄉土志

五

州領十七縣六年惟留北海營邱下密三縣餘並廢八年州廢仍省營邱下密二縣入北海五代因之

平壽縣 前屬濰州唐書地理志武德二年析北海縣地復置平壽城後省入北海縣

濰水縣 前屬濰州唐書地理志武德二年復置濰水縣案即隋東下密城是也後省入北海縣

寒水縣 前屬濰州紀要以為古寒亭亭側有寒水俗名寒水後廢

營邱縣 前屬濰州唐書地理志武德二年析北海縣地置營邱縣於縣權置杞州八年濰州廢省入北海縣案營邱即後魏營陵今昌樂營邱集是也

宋

濰州 屬京東東路宋史地理志建隆三年於縣置北海軍乾德二年

升為濰州領北海昌樂昌邑三縣政和四年太守韓浩知州事建漢  
北海相孔融祠論古堂於署後有碑碣存焉今移署東  
北海縣 屬濰州全史地理志北海下云倚有浮烟山溉源山溉水沒  
水浮烟山  
即浮山

金

濰州 屬山東東路全史地理志濰州領北海昌樂昌邑三縣及固底  
鎮

北海縣 仍屬濰州

固底鎮 屬濰州案在治所北八十里今温固社固底場即其地也

元

濰州 屬山東益都路元史地理志濰州領北海昌樂昌邑三縣及司  
侯司憲宗三年省司侯司入北海至元三年省昌樂縣入北海領北

濰縣鄉土志

六

海昌邑二縣

北海縣 仍屬濰州

既置本境年代

明

濰縣 屬山東布政司萊州府平度州通志洪武元年以州治北海縣  
尋廢北海縣其地直隸於濰州屬萊州府十六年降濰州為縣二十  
二年屬平度州

國朝沿明制改屬萊州府

政績錄

興利

漢

朱邑字仲卿廬江舒人宣帝時遷北海太守以治行第一人為大司農

前漢書有傳祀名宦

後漢

孔融字文舉魯人孔子二十世孫獻帝時為北海相承黃巾殘破後收合士民起兵講武更置城邑立學校表儒術後為曹操誤殺後漢書有傳祀名宦

唐

竇瑛武后時為北海令穿渠引白狼河水曲折三十里以溉田號竇公渠祀名宦

宋

許仲宣知北海軍事度其山川形勢可為郡繪圖上之可其奏宋史有傳祀名宦

明

濰縣鄉土志

七

宋兗麻城人成化間由舉人任濰縣知縣以德化民政務悉舉祀名宦呂應科雄縣人正德間由舉人任濰縣教諭先是濰縣科第無人應科集弟子於黌舍教之夜以繼日課文必面試嚴加訂正士皆淬礪嗣是數科門下士多得雋者祀名宦

章綸字理之錦衣衛人嘉靖間以進士授濰縣令安雅不躁節用尚儉值薊盜起兵戈相尋民室家不保惟綸以靜鎮之明史有傳祀名宦吳姓字專愚興化人萬厯間由進士令濰承大祲後田多荒蕪令能墾者得為業力不足給牛種於是荒田藝流亡歸輸運遼餉措置得宜後官至大學士明史有傳祀名宦

周亮工字元亮一字陶菴河南祥符籍江西金谿人崇禎十三年由進士宰濰邑時屢經兵燹之後戶口彫敝下車加意撫綏勸農課學庶政次第修舉民愛如父母立專祠祀之並祀名宦

盧豫鑲紅旗人康熙初由舉人知濰縣留心民事嘗單騎走田野咨訊疾苦遇士子則講論終日人不知其為令也在任六年陞荊州府同知邑人感而祀之

鄭燮字克柔揚州興化人板橋其號也為人疏宕灑脫工畫蘭竹書法以隸楷行三體相參古秀獨絕詩近香山放翁詞尤勝於詩著有板橋詩鈔以乾隆丙辰進士筮仕山左初任范縣繼來濰天性極厚惠政良多會歲饑因為民請賑忤大吏罷歸邑人至今猶追念不置立祠以祀之

韓光德浙江海鹽人以進士分山東知縣乾隆十八年來濰下車後修廢補缺尤注意於學校二十年倡邑紳捐資重修玉清宮二十二年重修東門外龍王廟右烈女祠二十四年創立濰陽書院倡捐三百

金撥學田餘租十三石以充膏火至今士林感德猶切飲水思源之意焉

王天錫字旭莊甘肅皋蘭人由歲貢選授隴西縣訓導升任濰縣甫下車即以興廢起敝為己任時文廟及文昌各廟並書院漸即傾圮天錫以為事關人文亟宜整飭爰捐俸銀五百兩於道光十二年倡邑紳田鳳聰陳國璞等醵金董工將文廟修理完備次及文昌各廟而書院亦煥然改觀矣邑人勒諸石至今猶嵌書院廊壁沈葆瓊字左綬浙江海甯州人光緒十一年任濰縣知縣勤政愛民尤留意學校時書院久廢爰集紳士於明倫堂慨捐一千二百金為之倡闔邑乃觀感樂輸襄成義舉

除害

後漢

董宣字少平陳留圉人光武時為北海相大姓公孫丹造宅卜之以為當有死者丹使其子殺道行人置尸舍內以塞其咎宣收丹父子殺之丹宗族三十餘人操兵詣府宣並置重辟詔逮廷尉宣了無憂色尋赦免後漢書有傳祀名宦

杜密字周甫潁川陽城人桓帝時為北海相其宦官子弟為令長有奸惡者輒捕按之後漢書有傳祀名宦

宋

張燾臨濮人仁宗時知濰州濰多圭田計畝徵絹而捐河役燾不肯踵例廢法還其役入減於舊五之四且命吏曰吾知守已而已無防後人勿著為式宋史有傳祀名宦

明

吳履字德基蘭谿人洪武時知濰州時萊守核民間官驢孳息他縣皆

勅民買債履陳不便數事守然之並諸邑已償者皆罷舊例得以牛羊代秋稅履諭民曰牛羊不無死瘠患不如納粟便民從之他日撥撥牛羊解送陝西民多破產濰民獨得保全明史有傳祀名宦  
官應震號陽初黃岡人萬曆戊戌進士令濰值稅璫咆哮十數輩恣意詐索震叱縛之請於中丞直詣次第捕治全齊賴以安精誠感格嘗拜火而火滅祈雨而雨應邑人神之祀名宦  
王惟儉字符禹河南人萬曆時由進士宰濰民苦養馬為請而停之輸粟遼左民罷於役為酌而均之礦稅中使冠蓋相屬商農咸病為言邑無礦而民獲安堵邑人立祠祀之明史有傳

國朝

蔣慶第字著生直隸玉田人咸豐三年由進士署濰縣知縣時臨縣多盜警邑奸民亦思暴動間出路劫慶第捕獲二人杖斃於市宵小由

是敏跡入嘗通稟上憲擬將昌樂濰縣鹽課增入地丁今災緩之年有贏無絀兩境不設官店聽民販運因阻於例不報在任五月政治民安解任後邑人設長生祿位於三賢祠光緒間重修書院慶第去濰已三十餘年矣猶遙寄二百金以助修葺惓惓舊治輿論翕然聽訟

宋

蔡齊字子思策進士第一官至禮部侍郎後判濰州民有告某刻偽印者已逾十年株連數百人齊平其獄減死數十人宋史有傳祀名宦

明

郭存謙字光山雄縣人萬厯間以進士宰濰有王君同等疑獄積年不決一訊得情遠近頌神明焉祀名宦

邢國璽長葛人崇禎甲戌進士宰濰恩威並行訊鞠獄訟洞見肺腑雖

濰縣鄉土志

十

國朝

點猾不能欺捐俸倡築石城後陞登州道明史有傳

賴光表廣東鎮平人由拔貢授濰縣令治尚謹厚事無大小庭訊之下平易服人宰濰數年城社安靜丁母憂去送者遮道立生祠祀之  
林士駿字秋崖福建人由舉人大挑一等任濰縣令道光十七年教匪馬剛倡亂先以邪說惑眾城中人多信之書名於冊約起事時為內應次年正月率匪黨十餘人持兵突入縣署適有委員宿廳事賊以為令也殺之及兵役齊集悉被擒獲訊之供詞所指皆良民閱其冊株連果甚眾令因舉其籍而焚之未嘗牽累一人由是罷職邑人感其恩德至今稱道弗衰焉

隋 兵事錄

隋

大業末有賊楊厚攻北海杜松贊為右府隊長輕騎覘賊為厚所獲厚令招降松贊至城下大呼曰官軍大來賊旦暮擒翦矣賊以刀築其口松贊大罵腰斬而死城賴以完

宋

建炎二年金師畧中原其帥窩里喝犯濰合圍攻城知州韓浩率眾死守城陷與通判朱廷傑北海縣丞王允功司戶參軍王薦俱力戰死建炎三年正月金人再陷濰州焚城而去至四年韓世忠破兀朮於新城時金監軍撻懶據濰州遣李董太一引兵赴援軍於江北自是濰州之被蹂躪者數載

明

正德六年賊劉六及齊彥名起霸州擾及山東陷二十縣守吏不能支濰西控青齊東連昌邑為流賊出沒地舊城歲久多傾圮正月一日陷

濰縣鄉土志

十一

於賊劫掠無算明年又陷於賊燒劫一空殺守城指揮張昇居民被害者以千計

正德間流賊楊寡婦以千騎犯濰時喬剛分防濰縣指揮與許遠大破之膠西恃濰以安

崇禎四年李九成叛變起吳橋破新城東下率兵攻濰雖城郭幸得保全而鄉民多被劫掠之害

崇禎間亂兵圍濰造雲梯夜伺城者倦驅百姓登城為先導有網子匠某與馬網子匠者邑西官莊人失其姓名將及堞匠大呼曰賊已登城急燃礮城者驚曰燃礮奈子何曰無顧我也礮轟賊却網子匠死之同時有相士楊姓邑人丁復運皆被殺又有昌邑司礮者一曰劉小泉一失其姓名被掠至濰今燃礮擊城二人故架礮使高與城左賊方疑而環觀遽燃礮斃賊數十亦被殺城之賴以不陷者皆五人力也